

半隱廬詩中

家既題
魚



北平師範大學圖書館存

陳仲梓題

余校印先君遺稿竟端明王子謂余曰子之爲此將以繼述也
若以子所作列於尊公集後則尤繼述之大者誰謂非宜顧先
君在日余於詩道雖粗聞槩畧而失怙旣蚤旋又求學海外遊
宦國中更無暇殫精及此時有所作大都成於枕上或舟車之
間耳目心思無所寄託則往往隨意搜句以爲樂正戴剡源所
謂詩多當曆記晴陰而已癸卯東遊以前所作較多因稿本毀
於壬子吾邑之洪水今憑記憶所能得者已僅四首嗣亦隨作
隨散存者什不一二繼今以往未知視前何如然去日苦多所
成就亦可知矣依端明之言贅附斯編其於工拙不計也戊辰
秋陳爾錫壬林自識於半隱廬書齋

東山鳳凰寺書齋夜坐

以下辛丑

冥坐空山無所之花香竹影暗催詩
三間老屋書千卷一盞秋燈酒半卮
大壑沈陰霜落早奇峰當戶月臨遲
泉聲滴瀝苔如繡梁棟雲生欲雨時

辛丑生日

廿四年非少今吾仍故吾重闡新血淚
時先祖養未久荒館舊吟軀
日月驅塵世乾坤蝨腐儒寂寥三寸管
鄧禹笑人無

登東山上寺小憩景行亭

以下壬寅

行行復小憩絕頂獨來時萬木迎秋瘦
孤亭俯澗危足音空谷斷心事古人知
一笛斜陽外憑高寄遠思

上寺讀書之暇晚登奎星閣野望

野徑苔花老登樓一望青水雲橫斷澗晚雨傍孤螢地癖宜僧
侶天高幾醉醒山城燈火上秋影太伶仃

將之日本夜泊昭潭

以下癸卯

出門纔一日鄉思已千周親老時多病身孤况遠遊枕浮雙鬢
淚燈暗四山秋回首昨宵話白雲天際流

舟泊岳州與師晦集九華生子昂淡春抱眞韞存醉六個
君子明及東遊同行諸子登茶樓望湖有作

岳陽天下勝艤艇一登臨大塊容歌嘯荒臺自古今仙心浮酒
淨雨氣隔湖深談笑新知在開懷試朗吟

登岳陽樓

風景湖湘一望收，壯懷初泛洞庭舟。
眼前憂樂還吾輩，天下安危視此樓。
帆隱楚江疑地盡，山連蜀道插雲浮。
少陵去後希文死，誰與憑欄賦遠遊。

漢口舟中

滔滔江漢水，日夜向東流。
陸地藏蛟窟，風濤接蜃樓。
徒薪無上策，去國有扁舟。
漢口斜陽渡，蒼茫足遠愁。

登黃鶴樓

樓臺餘劫火，今我來何遲。
崔李空詩筆，江山又幾時。
白雲有古意，黃鶴竟安之。
俯仰思千載，城頭暮角悲。

金陵至滬上舟中作

莽蕩乾坤何處歸秣陵東去一帆飛樓船夜雨金山寺楊柳春
風燕子磯四鎮蟲沙迷廢壘六朝冠帶賸寒暉賈胡高閣沿江
矗城郭人民兩並非

抵東後得外舅沈竹東老人書感賦

寥天今夜月倚杖望歸人露下蟲依砌風迴草似茵侏僂慙學
語秦越怪相親浮海應無陋猶勞苦問津
得當容酬漢何妨服變胡短衣辭故國斷髮入勾吳求野真吾
道匡時愧腐儒海天一長嘯秋影在菰蘆

書感

落日窮荒畫角催海天秋色逼愁來浮沈身世一孤劍今古江
山幾霸才四海頗憐同志少寸心不盡百年哀龍爭虎戰何時
息腸斷中原日九回

披髮驚看人祭野域中消息竟何如魯連有海逃秦帝諸葛無
山築草廬走馬冰天餘俠骨挑燈雪夜讀奇書何時歸斬瀟湘
竹斜日一竿長釣魚

狐火東南一夜鳴中原漸欲啟黃巾難將書劍伸孤憤忍使憂
危累老親七尺昂藏憐縛繭萬方搶攘悵飛塵窮鄉幾見烏頭
白真悔儒冠誤此身

髀肉消磨春復秋來從世外欲何求蒼生滿目成新病青史填

胸鬱古愁四塞烽烟翻落照千年文獻付橫流斷蛟擬借澹臺
劍未信陸沈不復浮

寒蟬

秋氣依池樹殘蟬咽晚晴孤高成爾性哀怨向誰鳴奮翼天難
上微吟夢亦驚不堪湖海士寥落此時情

日俄戰起航路險絕歲暮憶家感而作此

多病衰親昨有書絕裾常恨爲貧驅春回東野暉應滿米負西
江計已迂鐵笛關山縈曉夢金戈海國滯歸途遙憐暮雪思兒
苦羣穉圍爐進酒無

贈王剛

以下甲辰

海內少奇士王剛差可人向予時笑哭憐爾亦風塵閱世添悲
憤乘桴豈隱淪故山遊釣好孤負苦吟身

國府津海濱旅舍觀潮

水亭煙榭俯龍宮獨倚危欄洗軟紅浪裏漁舟吞吐外雲間星
火有無中怒濤擣夢吟懷淨巨浸稽天眼界空快意平生稱此
舉披襟容與晚當風

客遊西京

行李蕭條况值秋長年苦作異邦遊橫流滄海今何世匹馬關
河我欲愁夢裏家山隨雁遠客中心事傍雲浮他鄉王粲傷懷
甚長笛西風一倚樓

遊嵐山偕成集九

聞道嵐山勝來從物外遊
輕舟穿石隙絕壁掛溪流
此地一携酒臨風生遠愁
暮鐘隔烟樹迴望正宜秋

懷王茂蓀

剛

西風瑟瑟渺愁予孤燭江湖感
索居萬里客遊三尺劍半年人
去兩封書天邊日落知君在
海上雲歸念我無記種門前
桐萬樹驚秋一葉意何如

宿大津晚步琵琶湖

薄暮步湖上偶此逍遙遊
山月黯疑墮水雲低復浮
人稀響自寂夜靜風欲秋
策馬逝歸去寒深不可留

自大津至長濱徑渡琵琶湖舟中作

一棹長濱去回頭望大津天開歸鳥路雲擁隔湖晴山勢隨濤

落詩心墜水清誰摹洞庭景

吾湖中湘各地命名之勝係襲

不見故鄉人

客沼津與集九夜話

海氣常疑雨秋燈話寂寥星沈螢影亂夜靜雁聲高挾策猶逢掖亡羊待補牢鳳嘻吾欲老天與試儒曹

自沼津還東京

西南半島儘盤桓愜意年來此壯觀策馬已忘行路遠騎牛微覺著書難牢愁皮骨隨秋老蒼莽雄圖帶醉看海上風光殊不陋還從此處望長安

遺懷 以下乙巳

澗霧重重思渺漫鄉心常作望洋歎故園歸雁傳秋信遊子征
衣怯早寒禮失何如求野愈國危常媿對人難烏頭馬角無消
息有夢乘風縱羽翰

暑中自日本歸省重遊東山

去國三易秋歸來重著屐仰視山猶青俯看川仍碧俯仰若有
餘山水觸夙癖曾此結茆廬松篁鬱幽僻屋後帶泉流門前臥
白石雨後笋蕨齊拔食任所擇天地匪云寬蝸舍匪云窄胡墜
塵夢來居夷常役役安得謝喧騰名山借一席

遶道北京重往日本京漢車中感事 以下丙午

千里驅車叩帝畿
麟麟北去迅如飛
天開平野星疑墜
秋入長城馬正肥
並世功名歸豎子
中原形勢帶斜暉
幾人能解新亭恨
滄海曾經一布衣

霸業銷沈四百州
海棠葉謝可憐秋

地學家稱吾國地
形似秋海棠葉

腥羶吸

盡羣生血鐵戟難消
萬古愁燕市悲歌空縱酒
江南詞客怕登樓
河山如畫渾無主
始信衣冠果沐猴

錯鑄六州可奈何
記曾荆棘泣銅駝
運籌當日男兒少
誤國從來意氣多
玉帛重開新世界
金甌猶話舊山河
藥囊擊破筑聲死
易水蕭蕭空復過

朝野歡娛任醉昏
有人長嘯上東門
楚囚對泣生無面
馬革輿

尸死亦恩髀肉已銷骨尙鯁文章雖賤舌猶存羊頭羊胃吾何
有愁對湖山一斷魂

渡海

狂風怒捲海潮立巨鼇怖魄蛟龍泣天低於水星倒垂蒼茫四
顧將安之我聞心平不駭浪搔首乾坤絕依傍又聞懵懂祓不
祥世途雖險有康莊飛輪颺忽行千里一線神泉煙霧裏江波
浩浩遠猶明何人攬轡策澄清烏雀南飛大鵬北懷英雄兮情
惻惻東方古國多神仙採藥重遊且醉眠安得一蹴遠踏崑崙
頂俯拾河山歸手整不然長歌浩然歸去來傲霜籬菊今正開
初入日本京大法科肄業旅中秋夜獨坐無聊作此自遣

鴨涯夜靜雨聲殘客子心情良獨難骨肉親朋千里隔乾坤荆
棘一身單雁橫滄海牽愁遠秋上高樓逼劍寒莫怨荀卿遊學
晚蜉生原作斷蓬看

得家書

海天吟望久歲盡一書來喜懼方交集緘封卻緩開雁聲龍伯
國雲影定王臺身世儒冠誤承歡媿老萊

三十初度

以下丁未

入春十日吾生日依舊今年似去年未許蛟龍得雲雨漫隨雞
犬學神仙我材有用甯關命世變如斯欲問天記取兒時行樂
處青燈回首一淒然

三十年華彈指過縱生百歲可如何搏人天帝成兒戲入彀英雄似我多氈毳曾懷蘇武節崦嵫誰返魯陽戈來舟去馬疑歸路欲向赤城問達摩

誰云天地無窮大耕鑿難容七尺身儘有長繩堪繫日可憐孤劍尙埋塵絃歌雅慕陶元亮著作還慙謝景仁我亦高嵎山下住斫蛟當日爾何人

歌也有懷泣有思茫茫江漢欲何之六洲黯淡龍方戰大地淒涼鳳到遲憂樂敢因中歲改澄清奈負此心期騎驢買島愁無極依舊一年一祭詩

自題拍影

一望知爲我非同貌取人不侯休照鏡入畫稱垂綸如此頭顱
好應由面目眞世間多肉眼吾自愛吾身

觀海

海水莽蒼蒼詩魂落大荒煙波開倦眼天地入斜陽霧重晴疑
雨潮寒夏有霜三山何處所不必話滄桑

讀史偶感時事有作柬蕉凡

以下戊申

秋草英雄不可招腥風毒霧塞神臬諸儒禮器誰堪寄四海雲
霓望已勞古國殘存憐碩果斯文絕續值吾曹四千六百餘年
史更有何人手斷螯

黃農虞夏今何處天地翻時夢復回希代鳳麟隨運逝八荒風

雨入關來傷心儘有靈均淚獻策慚無太傅才一縷千鈞餘此
日扶危急盼棟樑材

廢興見慣安如故變亂于今駭更奇閱世近知亡國苦問心常
恨讀書遲龍蛇山澤藏英物毛羽雲霄賸夢思四顧全無人繫
望不堪設想未來時

送澧蘅自日本之瀋陽

海上思歸客何堪送爾行樓船萬里浪寶劍十年情大陸舒鵬
翮陪京看鳳鳴求才當路急攬轡好縱橫
生小無兄弟多君共膽肝工愁常我念惜別慰情難柳暗三邊
暮沙飛六月寒纏綿樽酒意不在慶彈冠

黃滋護歸國持扇索字率成四韻書以送行

聚處渾忘樂臨歧更覺親獨憐送行客都是倦遊人學爲侏儻
苦交因坦率眞眼看裘馬遠孤劍倚風塵

歲暮偶成

一爐席地坐煎茶客子驚心數歲華襍被馬周窮貫酒銷魂江
令恨離家東溟日近春如海朔雪天寒劍有花未識故園遊釣
處臘梅今放幾枝斜

除日述懷

少年失怙走風塵湖海蒼茫寄此身尙想同根憐弱妹何論寸
草報三春思親未必惟佳節有母翻教念小人望海懷歸歸未

得孤雲回首總傷神

遠遊諸父各殊方
蔥嶺雲飛隔海望
暮夜苦寒憐北地
一家消

息問東皇

歸詩六次
叔姑文玉
蔚繡四叔
秋湘萊自
尙客關外
初

天倫樂事貧難叙

客路風波老備嘗
十畝閒閒桑柘長
白頭今好整歸裝

憐我憐卿心緒同
幾年章甫走西東
客中除夜癡難賣
別後雙眉畫不工
寄到寒衣勞斷杼
生憎飛絮任春風
蓬萊水接湘江
水兩地相思一脈通

羣稚肩隨旅夢懸
定知饒舌問過年
逢人顧影誇新服
壓歲從娘乞幾錢
少有聰明吾已苦
未來世界汝堪憐
學詩學禮趨庭日
誰與蚩蚩猛着鞭

除夜睡不成寐枕上復成一律柬師曾

客裏情懷似海潮有時忽長有時消此身憂患中年重故國河山一夢遙生不如人况壯歲最難看鬢是明朝雞鳴似報天將曉夜半聞聲劍動搖

人日有懷故鄉諸友柬鍊夫

以下己酉

雲樹依依總繫思偷閒題寄草堂詩國殊正朔春來早雪滿關河馬去遲欹枕夢回更歲後烹泉味憶在山時平生苦爲多情累我自懷人人未知

己酉生日

三十一生日猶爲行路吟回頭少壯老彈指去來今閱世餘狂

哭懷冰鎮苦心南山猿鶴在歸思在瑤琴

湖海銷豪氣元龍感若何時艱生計少人苦活埋多坦道生荆
棘循牆怯網羅願尋乾淨土一席禮維摩

天地一搔首悲歌感慨中光陰烏兔影出處馬牛風逐臭甯良
策浮生尙斷蓬可憐殷長史咄咄苦書空

杯酒長星在霜顛照影明歲華人莫問筆硯爾無情畫虎慚形
似屠龍怨技成海波今未息孤負寶刀橫

自日本京大法科畢業歸國留別井上博士富田學士並
法科諸教授

求艾能醫國蓬山採藥來風塵憐我倦樗櫟負公栽說法花盈

座傾襟酒滿杯久遊成故里臨去與遲回

自日本神戶至天津白河舟中口占示蕭度

白河水帶黃河色海內人歸海外船雲樹相逢如隔世友朋不見又多年愁瞻親舍猶爲客拙覓生涯薄有田松菊未荒猿鶴在征帆已度薊門煙

天津酬端直督咨部並遣人走送之惠

十洲天外一颿歸入洛何人薦陸機長路未投侯喜狀甘霖先濕謝莊衣雲開直北新屏障陰棠江南舊鼓旂公誼私恩吾未辨登車長恐此心違

都中呈鳳蓀師

知己平生未敢忘文章幸遇兩歐陽

設一先生建

春風吹遍沅湘

草穉齒隨登鄒魯堂問學至今慚閣部賞音從古媿中郎程門
雪立談經座顏色重親鬢已霜

將之瑋春寄老親

入塞復出塞年年勞倚門有方穿望眼無計答深恩病後身應
瘦寒多席待溫白雲邊障遠吟眺愧晨昏

京奉車中奉懷族伯獻廷

吾家老同父總角已傾心道大難容俗知稀欲碎琴詩隨遼海
闊秋入薊門深欲見渺天末孤雲帶雁沈

寄內

別久曾期今歲還客心無夜不依山何圖風雪跨驢背倒載思
鄉夢出關

奉天客蘅澧寓所夜飲有作

別君容易見君難小住遼東訪幼安秋老愁城須酒破天低瘦
馬怯沙寒十年舊夢孤燈在四海新知一劍單何事明朝又東
去拂雲堆上倚雲看

韞存同行至奉天返京即贈

借地一爲別分飛雁兩行故人返京洛即席話河梁劍帶寒雲
白沙飛絕塞黃君歸吾更遠相憶莽蒼蒼

自奉天啟程澧蘅假事便送至吉林省城途中作

非關王事亦宵征
鹿幘羊裘萬里身
路出長春三小市
月明遼海兩詩人
深江冰合秋通馬
古戍風淒夜見燐
並轡徐行渾不語
相憐勞燕各風塵

偕澧蘅滯麓樵館中夜深情敝口占一律即用澧蘅贈詩

原韻

勞勞相送復相迎

予至奉天麓樵
即有電相招

離合悲歡感此行
一別關河

孤枕夢五更風雪
十年情已非吾土
猶爲客羞以識時
浪得名熟視莫驚鬚
鬢改幸餘心跡喜
雙清

澧蘅麓樵疊前韻見和爲再酬一律即送澧蘅之官懷仁

麓樵之官舒蘭

野客停車感送迎酒酣齊唱短歌行別來瘦骨猶多傲話到無
言卻見情舉目河山增涕泗一官琴鶴亦功名邊城霖雨須公
等宦海何妨我獨清

江蜜蜂子驛

大雪兼明月蒼茫獨往中更無人並駕惟有馬衝風野曠炊烟
斷林深驛路通客車穿樹過不復辨西東

度長嶺觀日出

黑暗人間一點紅峰頭立馬萬緣空河山無跡尋興廢天地從
誰問始終遠矚鯤鵬同尺鷃多年猿鶴雜沙蟲如何日獨留盤
古奪盡塵寰燭火功

額木索客舍

行經六日程三百兩過名山九驛亭醉臥江湖餘短鬢去來天地一浮萍

沙河沿早發

鐵騎竹鞭鬪曉風雪花如海戍煙空兩三小市程千里愁在關山一望中

銅佛寺早發

荒垣何處送雞聲起舞劉琨一劍橫雪碾征蹄開棧道雲扶殘夢出孤城天寒風急知何世漏盡鐘鳴識此行大地山河同逆旅漫遊不必計前程

葦子溝途中

出門不覺地天寬
世事都從壁上觀
四顧無人容獨步
千秋有淚合孤彈
敝裘羸馬行程緩
澹月疏星暮角寒
長白山前回首望
西南雲影是長安

自艾花甸子驛入朝鮮境穩城

朝鮮吾而父兒今在何許
潮來天地翻雪白
江山死一箭倒插
山雙龍怒飛水願截
彼鴟鴞毋久攫我子

琿春初晤郭侗白觀察

傲骨知音未易逢
聆聲望表契林宗
馬尋芳草忘長路*
雕盼青雲失倦容
塞下長屯隨李牧
海門初渡識孫松
人才寥落山河

在擬趁春雷起臥龍

依韻和吳綬卿祿貞戍邊樓詩即贈其自瑋春歸延吉

家國安危一倚樓北門鎖鑰掌中收三千座客橫孤劍十萬邊
氓戴武侯歸馬人攀都護節出征詩壓杜陵愁瞻韓又觸河梁
感山自蒼茫水自悠

吳綬卿更以風雪歸延留別詩索和依韻答之

征虜將軍肄雅歌一弓一槊一雲和風生絕漠邊聲急雪上征
袍詩思多醉度崑崙驅塞馬手披荆棘起銅駝幾千萬里鯤鵬
大不信人間有網羅

送客溪橋一浩歌馬蹄風雪莽關河鞭沈樂浪流應斷石勒燕

然字不磨節鉞三韓方丈外人才四國海西多先階尺木龍飛
去我自摩挲壁上梭

與侗白觀察夜談述懷更賦四律奉贈

橫日看湖海誰堪借箸籌風高陶侃壘月滿庾公樓雅量延文
士長城仗大猷卿雲關塞朗照我載書遊

人才精獎鑒郭太世稱賢持籍從天上乘槎記日邊欣持侯喜
狀今爲酈生先學政迂儒願狂吟勵志篇

聞道安攘略由來重拊循護羌邊柳暗置郡野棠新憂樂尊前
事瘡痍劫後民衡湘足霖雨散作嫩江春

余素事鉛槧學成良獨難眼緣今日白心向古人丹道義尊貧

賤雲霄盼羽翰驅馳從此許攬轡與公看

酬吳滋蔭丈見贈之作

生小衣毛褐年來歎斷蓬老人橋上少餘子眼中空賓客隨枚
叟江湖倦放翁到關逢紫氣吾道未終窮

歲暮邊城雜感

百感蒼茫逼此身吟懷蹇蹇鬱邊塵去來滄海餘孤嘯歌哭神
州尙幾人父母乾坤同是子江湖草莽敢誰臣擬招衡嶽雲成
雨灑徧中原萬戶春

平生質直薄荒唐學海低頭拜顧王後進何人知老大

成句

百年

吾道總悲傷讀書有恨如人少同志無多豈我狂欲把六經一

重理江陵餘火照斜陽

功名豈必薄匡衡攬轡登車總自驚勝國籌遼惟挽粟商於去
魏不交兵匹夫有責思飢溺亂世無心問死生老鶴何須談往
劫白狼烽火未容輕

西橫藏衛望天山都在量沙聚米間霸業也應窺黑海長城不

必限陽關雲車葱嶺飛能渡

時俄人中途細亞
鐵路將抵疏勒

胡馬江孜據米

還

時英兵尙未退藏而達
賴復有密結俄人之說

四面狂歌天晝晦黃龍何日唱刀環

欲問今朝是幾時倚閭白髮定難支寒梅有信花開早塞草如
烟夢去遲已愧晨昏煩小妹遑論詩禮授諸兒過門昨忘征衣
舊臘鼓聲中有所思

一家四處望淒迷回首瀟湘夕照低匹馬人馳京洛北

林堂新來

北京十年書斷玉關西

東渡後即未見六叔來信
七叔重出關外亦數年矣

平蕪幾點日沈

海寒雁一聲雪滿谿同客邊疆同歲暮相憐沙磧滯歸蹄

八千里外路迢迢別恨閨中未易消身不許人慈母在卿須憐
我鬢毛焦蒼溟幾載初還棹青海何年更射鵬繚繞俗塵紛莫
遣夢魂知己渡西遼

親朋聚散總隨緣到眼停雲數點煙儘有鶴猿能憶我未逢魚
雁懶裁箋沈腰可爲多情瘦馮鈇甯求知己憐地軸東西關內
外遙遙相對此山川

綬卿都護以邊事解決還京偕侗白觀察移駐延吉兼以

送行即席賦贈

以下庚戌

辛苦三年戌

句杜

長防萬里城郡開箕子國柳暗亞夫營從歎河

山定而無匕鬯驚單于仍歛塞車騎好休兵

幢麾臨大漠春至唱刀環倚劍空同曉犁庭老上還光華班定

遠談笑謝東山鑄罷燕然石長歌返漢關

新編拾遺集酬唱有嚴詩吳漢成功早陳平杖策遲凌煙圖上

畫春樹夢中思強飯將軍事龍泉好護持

逢公偏出餞

於瑋
明春日
晤後亦
別

今又動驪歌情愴渾難盡愁懷底許

多印心千里月離恨一江波戒曉車徒盛卿雲起澗阿

送滋蔭丈之官汪清周幹臣之官瑋春

儒冠誠不賤維楚故多材今日之官去吾曹載酒來雨聲芳草
潤風信野棠開夙昔安攘畧於斯現草萊

憂時吾亦甚迂想恐難成有淚填滄海無航渡衆生東南頻苦
役西北尙屯兵馬首春光好鳴鞭重此行

余以試事返京留別侗白觀察一律

寒吹何哀亮因之遠渡遼平生微自許貧賤敢言驕禮數邀嚴
武箋詞媿孝標樽前長揖後望望海天寥

自延吉至敦化途中作

鬱鬱千山木猶完太古春草肥胡牧馬箐密賊窺人棄地憐無
主充邊待徙民堂高空食肉嗟爾守疆臣

清明自三义河早發

歸家猶未得客路忽清明詩自天邊至愁從劍外生春泥妨馬脚曉兩濕鶯聲謁墓今無及停鞭任緩行

渡松花江

春水平沙岸臨江阻馬蹏雪消歸路曲柳暗故山迷地向平蕪闊天從盡處低登舟親擊楫計日到遼西

入都

曾約束風到帝畿白山遊客一鞭歸射鵬箭帶三邊雪繫馬身更萬里衣日下舊聞雙闕迴江南芳訊亂鶯飛幾年征戍還家夢入洛甯當滯陸機

偶閱靜宜詩草題之

女靜宜前爲新吾姑適劉丈蔚澄以所生之次

負骨祁連北崎嶇達故鄉尙慳謀母面胡遽斷吟腸血淚枯湘

竹春城隕杞梁遺詩淒絕語

詩中如有傷心語

看我如何之語萬古儘心傷

予姑來書以靜宜祠宇落成囑更爲文紀其志行

乾坤遘末運物各反其常吠聲淆衆犬鼯鼠儼披猖更有人形
獸食人爲虎俵暮四與朝三裂冠而毀裳不知有羞恥遑論其
肺腸卓哉靜宜志振俗勵冰霜割臂醫病姑婉嫜嫜文章忽悲
離鸞曲心與神俱僵弱質護夫柩萬里達瀟湘日月不孤照獨
處盍偕亡纍纍歸雙棺旌旆自飄揚聞者爲唏噓見者儘淒涼
豈以兒女情所關在三綱富貴若朝露秋卉甯久芳天地有昏

羸祠宇流餘光眷言勞篇什吉論慰絕洋

覽遺詩始知有昔別

昔別

感殷勤今來問滄桑亭亭轟華表矯矯鶴高翔舉頭天宇曠俯視塵茫茫上有玉女星招手天漢旁生女得如此吾姑何悲傷

得家母抱疾信急歸

昨有山妻信高堂苦病磨草微叨晝永樹靜怯風多密密看衣

線栖栖負薜蘿外家椿不見

詩外祖左寶生公逝世未久

涕淚復如何

出都示伯楨

十年瀛海復京圻屢話歸期此日歸久客纔聞生馬角懸梭猶待化龍飛人來燕市頻沾酒春盡長安欲典衣半畝田園行樂

地家書昨報豆苗肥

渡黃河

來從人海罷長征兩戒河山一日程漸有桑田驚冷眼不堪菜
色滿蒼生曹袁以後吾今濟堯舜而還水幾清借問邯鄲途上
客人間何物是功名

洞庭舟中

水勢東南壯江聲日夜流浮生輕一葉四顧此孤舟浪闊天爲
岸風涼夏亦秋瞬間帆去遠不敢事淹留

自岳州至長沙作

玉笛梅花渡洞庭天涯回首夢初醒帆澄潭水千尋碧浪抱君
山一點青險阻艱難周禹迹悲歌哀怨感湘靈蒼生漸欲不堪

問孤負長沙對漢廷

歸家喜見老母

幾年鄉夢始成歸
母病扶牀起把衣
欲語已忘還復問
今朝雀噪是耶非

秋中重行入都舟泊湘潭遣人約友人張竹吾晤談始知其已於先一日物故率成四律挽之

凋瘵思人物蒼茫感逝波
多憂餘我在無命奈君何
季重身憐瘦江州病有魔
歸來曾遣夢飛向茂陵過

傲骨昔知我相依
遂到今洞庭春泛艇
江戶夜談心酬愛
空留劍憑誰更鼓琴
西風蟬唱裏爲汝發哀吟

丙午重浮海勞勞送遠征詎知一爲別長此百年情風雨孤城
暗蛩蟹盡夜鳴北遊今就道誰更餞予行

登堂遲一日顧影倍悽悽身後餘嬌女閨中有病妻寄書人已
去入夢路長迷何處尋秋草招魂祇隻雞

過金陵乞伯嚴丈序先公遺集

蘇黃去今遠風雅日蕭然天意存吾道斯文付大賢乾坤觀世
變憂樂以詩傳萬古臨川筆今看北斗懸

兩世傾肝膽因之載酒過昔人詩社散遺稿茂陵多北海情殊
厚南豐序不磨抱殘求一字公意定如何

中秋自滬遊西湖

慕名遊此地乘興盪輕橈浪跡萍飄水孤懷月在霄秋歸隄柳
瘦花讓野薇嬌歸路循湖岸尋詩十二橋

岳王墳

三字亡炎宋長城哭霸才黃龍攜酒去白馬送濤來史策名千
載乾坤土一堆當途看朽鐵莫使後人哀

退省庵

南嶽雲興雨西湖水洗兵鶴民新部曲驢背舊書生梅影依牆
瘦芒鞋踏浪輕高軒遊憇處風月有餘清

左文襄祠

中興足儒將霸略讓公專射弩東橫海輿棺北拓邊大名誰伯

仲奇氣隘山川盾鼻留餘瀋馨香未偶然

既望登吳山觀潮竚望不至悵然而返

第一峯頭望蒼茫海氣沈乾坤浮水上風雨失山陰造物真奇
秘濤神負賞心誰言潮有信誤我枉登臨

自上海至天津舟中

浩淼來時路微茫獨夜舟天低雲墮水潮怒海鳴秋命仗孤帆
寄身真一粟浮行行霄漢近直上有梯不

綬卿都護西遊都中感懷賦此

將軍雄武霍嫖姚去國旌旗路忽遙山海百蟲開赤縣崆峒一
劍在青霄妙年通顯三持節半歲倉皇兩度遼書壓錦駝傳漢

苑草肥蕃馬測天驕穹廬客散排千仗榆柳陰濃有萬條恨不
短衣隨李廣可容投筆繼班超卿雲照我嗟離合秋雨懷人總
寂寥畫米莫懸前席望仙楂幾日放歸橈

九月偕外部吳交涉使劍秋出都赴閩京津車中口占

角巾一幅護星輶萬里迴翔擇木勞南極鯤鵬看水擊西風雕
鶚喜秋高懶隨臣朔炊京米合與錢王射海濤知己平生文字
感摩挲前路呂虔刀

登烟台小蓬萊閣偕劍秋外部

名山不在大境雅品隨高脚底生樓閣天邊伴羽毛北門雄待
鎖東海怒飛濤此地亾羊久從公乞補牢

張民政司元奇函贈所著蘭臺洞庭遼東諸集酬之

大筆鳴臺閣靈光海內懸峭深黃魯直俊爽杜樊川書待燃藜
校名隨諫草傳舊時驄馬瘦天路有先鞭

風景瀟湘勝吟情太守多雲開衡嶽嶺葉下洞庭波大雅嗟淪
歇斯人獨嘯歌甘棠餘韻在撫卷一摩挲

岐豐扶日月江漢轉旌旄劫後瘡痍在樽前撫馭勞河山資靜
鎮部曲凜秋毫獨夜聞哀角西風刷羽毛

隨吳使宴各國領事於南台松制軍以次當道畢集感賦
冠冕通諸國綸巾到上台筆從三島洗杯向萬方開擾攘誰盟
主艱難望霸才神州吾臥榻咄咄爾胡來

寄懷關外舊遊

以下辛亥

相望遼海怒飛濤
寶劍何人手斷齧
勳業植根陶侃壁
風雲着手呂虔刀
邊牆日落孤煙直
古戍沙寒萬馬號
爲問南歸秋雁信
憐君毋乃護羌勞

登烏石山

片石天南落榛荒
磴道斜蒨支紅欲
滴榕葉綠無涯
湖海餘雙眼瘡
瘻足萬家霜
林吾有待乘興一停車

登鎮海樓

放眼殊空闊
胸懷跌宕開
乾坤歸海盡
樓閣上城來
撫劍憐孤影
憑欄發百哀
誰將憂樂意向下
起蒿萊

懷吳綬卿

昨宵夢雲夢醒後隔山川
草樹南溟闊旌旗北斗懸
投詩今滿篋載酒定何年
我欲從之去臨風到日邊

登于山偕七弟及秋安

沒路苔痕濕宜人海氣涼
雲橫千嶂白烟接萬家蒼
百感來高阜孤懷到八荒
慰情親友在不計是他鄉

遊鼓嶺

步步向高處層層如換形
因山置土屋小憩傍茅亭
瀑去影留白雲來峰失青
振衣一長嘯塵夢與之醒

閩局變後倉卒還湘感孫督道仁招致之殷賦此謝之

異軍迭見蒼頭起晉用難勝楚客情萬里避塵眠海角十年磨
劍待天兵鷗鵬北徙隨潮遠烏雀南飛趁月明多謝明公維繫
意間關今已去陳平

巡閱湘省各屬司法組安都督並命兼察行政自華容渡

湖至岳州舟中作

以下壬子

瘡痍詢劫後來泛洞庭船秋色淡於水遠山浮似煙風雲驅世
界父老說桑田何處堪登岸中流聞扣舷

遊君山朗吟亭

北渚風煙接中流一點青乾坤歸吐納草樹入蒼冥雲影來巴
蜀秋陰散洞庭湖南清絕地成句的的朗吟亭

中秋登岳陽樓

渡海曾經此繫舟十年今夕我重遊河山未整長驅馬日月初
升獨上樓高處欲開千古眼一身難解萬家愁滔滔目送瀟湘
水腸斷鯨波天際流

岳州遇陳荆乞余贈言記其行事

崎嶇萬死陳荆在澤畔羊裘把釣竿漢業已興雙鬢老芒鞋到
處一身單不辭傭保藏名姓卻以荒唐見膽肝湖上有驢君莫
戀海疆今日尙狂瀾

之益陽距城數里爲水所阻夜泊濱江小寺內作

平湖欲南徙秋水尙滔天屋矮隄爲命河高浪瞰田買蔬餘小

蛤投宿仗枯禪侵曉征塵動瀕江喚渡船

自寧鄉至新化途次遊瀉山寺

離亂何堪現此身千家瘡痍未回春鏡中色相憐清影眼底河山盡劫塵天帝祇今方爛醉巨靈何日轉璣輪沈沈世界無窮恨訴與菩提樹下人

滬瀆晤陳師曾

以下癸丑

棄官猶敝屣載酒有扁舟海氣朝吞市江聲夜入秋亂離存舊學戰伐動新愁蒼莽人間世從君一醉遊

抵日本京都遊覽帝國大學有感

地戀曾遊處停車問友于夕陽迷里巷舊雨散江湖羣屐三年

別風塵一劍孤人民城郭感異國不能無

東京旅舍

雲連遠海天容澹風入悲笳旅夢涼心靜有靈通古佛燈寒無
語照秋牀休官歲月任高枕久客山川似故鄉欲認屐痕尋舊
躅可憐滄海已生桑

得周性之

浩

書寄贈一律

錚錚略見古風遺直道淪亡欲語誰射斗光鋌雄劍在向人肝
膽夜燈知性同薑桂生來辣清絕梅花冷更宜莫訝驚帆消息
斷東坡海外幸能支

陰曆除夕自大森看梅歸寓得內人寄書

問信將除夕圍爐憶舊年寒梅探雪後鄉夢在春先作客知予
慣持家仗汝賢高堂勤進酒望遠莫淒然

小泊湯本

以下甲辰

羣山合圍屋一水下成溪月色千峰雪灘聲萬馬蹏炊煙知市
近人影隔橋迷童叟驚相問環觀笑語低

箱根旅館夜泊望富士山

是處堪容足當軒且把杯星光依樹靜山色隔湖來野性耽邱
壑歸心負草萊無私花柳意昨夜已春回

自箱根渡蘆之湖至大湧谷

湖光如鏡散寒煙柔艣聲中過客船山雪影從雙澗印春帆梢

向九霄懸詩題壁上
蝸留篆身入雲間
犬亦仙此地結茅眞勝
處杖頭容有買山錢

觀噴火山

氣燄何雄傑
炎炎上燭天
足音來谷口
山勢礙飛泉
遠浦雲低
樹孤村鳥破
煙雞蟲開下
界佳境妬神仙

送友人歸國之京師

性冷交遊寡
將離更覺親
浮雲迷故國
急雨破新春
攬轡開皇
道行程問水
濱軟紅塵底
夢應念未歸人

橫濱送崑琳歸國

送行東海東海水
接天碧歸帆去已遙
猶餘一角白

酬沈况頑見贈之作

扁舟作客八千里總角相知二十年時味飽嘗餘酒好交情到老似君堅春深蜀魄哀啼血世濁湘纍苦問天拄杖三神山上望神皋一線夕陽邊

登東京淺草十二樓

前度登臨地風煙已十年憑高搔白首倚醉叩青天壁上觀龍

戰

是日日人適以青島事與德人宣戰

環中任蟻旋寶刀頻起舞秋影落樽前

自神戶登舟遶道朝鮮釜山歸國海上晚眺

觀海難爲水樓船一葉輕胸懸明月朗脚踏怒潮平夷險任今日浮沈信此生西南雲外影遙見故山橫

遊朝鮮昌德宮

李王是
時居此

自昔孤臣淚曾深
麥秀傷迎恩忘上國
過客趁斜陽鶴化迷
華表烏啼上女牆
可憐行酒地椎髻尙稱王

遊景福宮

鐘罷朝官盡風迴屋瓦鳴
臺餘秋柳色城繞敗荷聲
虎衛轅門散螢光寢殿生
東藩消息斷愁看寶刀橫

自朝鮮京城至奉天車中將渡鴨綠江夜雨

國境橫江斷車聲雜雨忙
燈浮胡市曉秋入漢關涼
反客偏爲主徵朝不入堂
傷心惟偃臥載夢到遼陽

入都喜晤黃滋護李特成朱師晦及諸舊友

相逢如再世濁酒雜悲歡
疏懶從吾便鬚眉待汝看
劍光孤篋動星影小窗寒
握手翻無語相傾祇膽肝

贈盧毅安南歸

洛下重遊有幾時天寒風雪更何之
側身朝市來臣朔散髮江湖去
范蠡往事與君渾似夢明朝看我鬢如絲
牀頭釀酒能招飲無奈相逢又別離

雪夜

秉燭深宵酒一杯繞牀孤影自徘徊
無多賜拜人間世有感心同死後
灰閉戶爐紅春似海開門夜色雪成堆
鼠肝蟲臂都隨意難得征衣舞老萊

京寓沈貝子胡同老屋數間意頗自適偶賦

以下乙卯

寂寂春將老沈沈晝閉門堆書填破壁種菜得荒園午夢清如此孤懷未敢言此中吾自樂軒冕未堪論

喜伯琴吳提法使

鈞

入京見過兼懷乃弟劍秋外部

劫餘纔一面驚喜足深情歌泣存知己艱難話再生晨星明闔苑古劍嘯豐城

時劍秋外部尚居江右

篋有天人策終當仗老成

曾籽香

魯宗

自長沙贈詩索和依韻酬之

二十年來渾昨夢鱗書細數尚分明撚髭漸覺余將老抱膝堪容子獨清一別亂離餘故我百無聊賴爲多情故山猿鶴能招隱何用危巢寄此生

題師曾槐堂

師曾吾友世稱賢住借槐陰屋數椽海內文章呼後起眼前絲
竹已中年一塵不染何妨市百念皆空自在禪舊學商量吾與
子望衡對字意欣然

澧蘅因公被逮幾危釋後應召來京晤面泣然感賦

破涕追歡一舉杯照人古鏡共誰開孤懷拚作終宵醉瘦骨憐
從萬死來自古榮枯同影幻十年聚散似輪回悲歌慷慨稱燕
趙不信黃金致郭隗

重九與澧蘅夜飲

客裏當秋苦不支西風吹斷鬢邊絲山無可入官猶丐事有難

言佛是師薄酒豈堪酬
好友深談微問此何時
荒蕪三徑秋來晚
歸去陶潛繫我思

遊頤和園偕澧蘅

以下丙辰

宮闕羣山鎖不開
翠華當日此悲哀
三千鐵弩供帷笑
十二金人上廢臺
皖降夏庭龍已去
王非孺子莽胡來
可憐太液池邊望
不見芙蓉見草萊

南歸至石家莊弔吳祿貞

故人風義矗祠堂
遺像清高景物荒
漢業已興憐信布
霸才無命泣關張
滄桑閱歷成奇劫
大樹飄零怨夕陽
涕淚盈懷渾不識
迴車愁絕石家莊

醉中歸路出西州慟哭羊曇感未休海內人才惜頗牧鄴中詩
友記應劉陰山淚尙揮胡羯峴首碑應泐故侯南下任誰長牧
馬可堪回首戍邊樓

交情原視死生分今日悲君對夕曛駐馬來尋房太尉登舟長
憶謝將軍風寒易水人何處路過山陽笛忍聞寶劍未酬秋草
長淒涼季子掛孤墳

白湘潭肩輿至家

肩輿計日叩柴扉雪滿江村獨夜歸四海奔馳皮骨在舊時遊
釣友朋稀高堂華髮今無恙薄宦金門未覺非本是故園翻似
客山妻休爲換征衣

武昌訪湘山右鈞性之邀遊黃鶴樓故址觀江濤作

五嶺還趨北三川盡向東地雄江漢合天迥楚吳空孤艇掠波
去危欄倚嘯空故鄉西望斷煙樹接冥濛

送同官潘庭長告歸終養

以下丁巳

報國期來日陳情爲老親望雲廬舍在戲綵錦衣新南土冬生
筍西風舊憶蕪嗟余同有母獨是未歸人

緇塵今夕淨歸計儘蕭然出處關吾道衣冠覺汝賢鳧留雙闕
影鶴載太湖船莫遂逐煙水圖形待陸堅

遊西山八大寺偕尹堯新

透迤橫斷岫並轡與躋攀懸石仰題字疲驢橫看山寺藏秋影

瘦僧立洞雲閒揀取幽棲地相期日往還

喜侗白省長入京見過

以下戊午

意氣平生重於公感最深五年重會面雙鬢各驚心舊館梁園賦邊關雪夜吟相逢尋別夢悲喜兩難禁

駐馬勞相訪幽州白日涼此行關大計不語對滄桑詩骨兵戈老春城草木荒江山付羣盜青眼望汾陽

依韻和友人告歸留別之作

江總黑頭正妙年辭官依戀舊家氈微餘俸米堪添鶴儘有清風不計錢冬筭補尋春雪後朝衣還舞錦堂前出山原祇一時約歸志先期已浩然

東息園老人

以下己未

十年車馬長安道百戲魚龍任顛倒閉門種菜讀殘書忽憶山
中息園老白髮蒼顏父執流攜琴久作建康遊鼎革歸來事箸
作妻拏告飢百不憂遺稿茂陵求死友

老人是時方選
漣江詩人集

徵詩且

復到下走高人閭舍記曾登窺戶無人留鶴守池餘荷芰路莓
苔庭有三槐門五柳百六相逢道不尊洪波蕩日天宇昏穩坐
蝸廬看蠻鬪時聞深夜啼冤魂熟讀離騷痛飲酒有口不開但
搖手井水枯時見鐵函一編吩咐靈威守

鳳蓀師作先慈左太夫人家傳賦此感謝

更從何處乞先銘著作名山此歲星柱下千言周史筆壁間數

卷伏生經西京列女編劉向南渡高文仰考亭一字感同華袞
賜榮光終古照幽冥

正月九日總統府賜宴有梨園一部因賦

以下庚申

獻歲開新宴當陽仰至公雪深華殿隱春至御河通歌管疑天
上瘡痍在眼中累朝臺沼闊歡樂與民同

麓樵過訪寓齋不見蓋十年矣因贈

一別滄桑老相逢哭笑難華年隨水逝衰鬢背人看度世還依
佛謀生恥服官無窮家國恨語罷漏聲殘

曾烈婦

乾坤顛覆後尙見杞梁城一死存風義千年有哭聲血隨揮淚

盡仁爲殺身成五字離鸞曲翻成萬古情

歲暮偶成

欹枕心多亂殘年意不支眠酣長恃酒吏俗久忘詩戎馬無終極乾坤有盡時平生憂樂意相對一燈知

除夕示藻髯

亂日長猶歲今朝喜歲除危忘巢上燕樂逐釜中魚世變來奇禍天亡到腐儒共傳春有脚旦日定何如

病中作

以下辛酉

丹竈藥爐伴愁心日夜煎清齋宜却病習靜愛逃禪仰祿終非計歸耕幸有田昔賢曾誓墓吾意獨潛然

紀雲抱病見候

烏府相期鐵作肝披襟晤對語辛酸一廬塵境身初蔽十載征
衣汗未乾老去漸傷知友少愁來常索解人難支離瘦骨憐同
病白雪鳴琴合共彈

柬潘代院長

消瘦看如此西風體不支神勞眠易失秋到病先知藥以多歧
誤官應未老辭及今容退養猶得効驅馳

秋初偕內人往湯山養病夜宿西大樓睡不成寐口占

入秋殊不覺永夜若爲驚短榻殘燈色荒郊細雨聲心勞魂夢
亂病久死生輕煮藥山妻在慇懃慰旅情

自湯山將還京作

頑癢苦纏絲針砭不可痊充虛餐沆瀣理痼枕清漣多事嫌軀
殼休居媿俸錢難堪扶病起昧暑尙披棉

寓移南扒胡同彌勒菴側購地葺廬頗有雅意詩以系之
居官久忘山林趣來與彌陀作比鄰城角蕭條容種菜家鄉殘
破敢思萼十年塵海愁勞客半畝邱園託此身吾愛吾廬堪大
隱暫時還愧掛冠人

半隱廬四季花木詩

以下壬戌

花事天然不用催好花翻覺惡全開須知濃艷宜人處都是隔
年醞釀來

灌園常盼夕陽斜野性平生愛蒔花霖雨未興慚綆短何時分
潤徧桑麻

辛勤培植費良工一夜嚴霜萬木空贏得滿園新種子耐寒依
舊待東風

藤作籬笆柳作屏長安市上好逃形塞門松樹高逾屋輸與人
間一點青

端明出示其子鶴雲歸舟遇險圖題之

以下癸亥

人去餘帆影愁招楚澤魂世途隨處險天道向誰論匡海哀王
勃湘江葬屈原怒濤鳴萬古忠孝幾沉冤

余以先祖母先母窀穸未安歸謀修治將有終焉之志賦

示伯杞仲梓叔梗季楠諸兒

久宦鄉心切一官況十年思親求守墓補讀待歸田蝸舍身堪
寄蟬生命使然事留餘地好悵望爾曹賢

山居除夕柬醉七

拜跪俗猶舊鬚眉我已新還山如作客伏臘倍思親家祭仍朝
服天真愛野人從知鄉飲酒不減上林春

先慈卜葬喜仲英歸襄其事

以下甲子

結交然諾千金重躡屩歸來兩鬢殘急難弟兄憐我獨清貧豪
俠似君難親無可侍思墳墓事有相須見膽肝回首釣遊三十
載孤松重與細盤桓

家居悶甚喜內弟矩民表弟子仁以時過從作此示之

廿載離家甫息塵圍爐卮酒話清貧自憐泥古難諧俗除却看
山不露身回首漸傷朋輩盡幾人能比弟兄親不妨曉夜鳴琴
對知我平生意趣真

除夕閱劉原父集有卜築城南地復偏之句覺與余寓恰
合因以其句冠首偶成一律

卜築城南地復偏此身懶與俗爲緣寒深對雪惟狂醉世亂從
人乞苟全爆竹聲中迎樂歲叢書堆裏度殘年活紅通火兒童
鬧爲報春來別有天

人日奉懷息園丈

以下乙丑

不見息園久經冬已入春來曾酣酒盞去爲遠囂塵話舊閒中
趣吟詩淡處神東臺文社散風雨憶斯人

長沙贈顏習齋

湘城老居士古拙愜余心四顧撚髯笑長年抱膝吟堆書嫌屋

矮逃俗入花深

息園居近
天茂花園

市隱如招我熏爐一鼓琴

高地兩廳樹木爲十年前予任高審廳長時所植適因過

訪芾裳叔康真孚諸子見樹已成陰爲之惘然因賦

別久依稀化鶴回訟庭花落復花開幾行小樹高於我尙想當
年手自栽

北行別湘中諸友

孤負歸來意田園緩卜居死方爲了日生敢愛吾廬丘墓防樵
斧詩書供蠹魚不知陶靖節飲酒欲何如

林下人嫌少云何退亦難江湖留短札溫飽媿高官處處多荆
棘行行怨芷蘭孤松曾手植遲我幾年看

出門朋友重皓首更相親訪舊多新鬼談心幾故人悵懷千里
月醉倒一壺春無限纏綿意臨歧暗愴神

上巳渡洞庭作示阜藩

亂離無處好逃形勝日揚帆下洞庭身世萬端成縛繭乾坤終
古是浮萍雲依遠樹枝頭暗水沒平隄草尾青幾度去來風景
異可憐鬚髮已星星

過金陵懷亡友師曾

此是羊曇舊路無江南三月草蘼蕪槐堂朽者今何在一慟秦

淮泛月圖

予庚戌遊金陵師曾邀遊秦
淮曾畫泛月圖題詞見贈

抵京後一病幾殆閏四月十二日知覺回復後作此

漸揩病眼倚胡牀文火藥爐夢自涼今日始知吾尙在全家相
顧喜猶狂生從瀕死真無據命到臨危不計將燕語新巢都有
意人間何世海茫茫

病起出門以特成堯新湘山諸子見顧特殷訪之並柬智
字酬其自天津遠道見候

一病餘衰朽鴻毛寄重輕臨危翻忘苦回首始爲驚抱佛延殘

命逢人感隔生齒牙爭葉落鬚髮似霜明對鏡疑非我呼兒錯
認名假年應定數審藥見深情患難須朋友扶持勝弟兄頻勞
車馬顧誰更膽肝傾后土吾重踐邯鄲夢未成訪君初試脚雙
履聽新聲

哀難民

以下丙寅

彼亦猶人子艱難信可哀室廬殘瓦礫田野入蒿萊扶杖跛兼
老牽衣婦與孩流民圖鄭俠一路哭聲來

國門艱寸步何處托身安白日幽州暗悲風易水寒莫嗟生不
幸更恐後尤難天怒回無術傷心袖手看

春盡京師迭聞鶡聲殊有邵康節天津橋上之感因賦

禽微微亂象天未厭兵戈蠻觸蝸爭徧鷄鳴狗盜多西琛亡翠羽南鳥渡黃河物反常爲變中原事若何

書事

飛空龍戰野入市虎成羣黃屋驕諸將蒼頭起異軍史評新五代局變舊三分救國言何易哀鴻未忍聞

夏夜雨霽閒步半隱廬院廊口占示蔚蒸

儘有山林趣而無車馬喧地幽人忘夏官冷雀羅門苔色侵牆脚書聲倚樹根承歡兒女在傳舍當家園

八月既望遊北海公園登高閣晚眺

坐井天常小登高眼便明秋從今夕老心比在山清煙樹埋全

市梯航會上京萬方多難日塵海寄餘生

遊清故宮

闐闐皇居小駐車夥頤堪訝後庭花果朝劍璽成陳迹終古河山屬漢家郡縣秦封爭逐鹿樓臺隋苑亂飛鴉大弓寶玉防齎盜禾黍西風感翠華

五十初度

以下丁卯

事業文章願兩違從知四十九年非餘齡有幾天難問壯志雖存力已微病後眠餐纔轉健山中消息未宜歸閱來人世紛蕉鹿寡過還惟佛是依

吳劍老過飲

一廬人境遠今始見高軒春柳迎旌影荒園有屐痕生涯歸負
郭淚眼望中原苦茗兼卮酒愁懷兩不言

送紫荆精舍老人南歸

燕市金臺感落暉故鄉雖亂不如歸百家經史藏崖壁兩戒河
山盡鼓旗世降文章從古賤時危出處素心違天教白首傳遺
學魯有諸儒道不微

退廬避亂金陵冬寒告急答之

國亂生無計冬深客正寒文章哀庾信風雪憶袁安建業居堪
卜新亭淚不乾綈袍齎范叔敢作布衣看

藍田贈壺索字

君夙與同事又好余書又知余購此壺未得
會余南歸旋又病危君迭以未及早贈並

君索拙書爲恨今因政變分散
故出此惜別且償積懔 因感其意酬之 以下戊辰

嗟君誠勝友，骯髒識眞吾。
俠氣生遺劍，冰心共一壺。
鵝從知己換，鴉值別時塗。
風雨憑相憶，毋忘舊酒徒。

東戟門院長乞畫半隱廬圖

塞門孤樹直，松蓋自亭亭。
草淺侵階綠，藤深繞屋青。
久居忘是客，入世定淪形。
岑寂多幽興，乞公圖作屏。

半隱廬閒居詩

大隱依然屬此間，結廬曾種市中山。
樹多境忘炎涼異，客少門常日夕關。
老欲何求餘懺悔，錢都難買是安閒。
故鄉有粟如能食，白石清泉暫往還。

